

S. FELIX EPISCOPVS ET MARTYR.


S PALATENSI VRBI DALMATICÆ
CROATICÆ, METROPOLI,
PRIMATIALIQ.

ET

VERITATI VINDICATVS

A IOANNE TOMCO MARNAVITIO

Episcopo Bosneñ, Coadiutore Canonico & Le.
ctore Zagabrieñ, Sacræ Cæsareæ Regiæq.
Maiestatis Consiliario.



ROMAE, Ex Typographia Reu. Cam. Apostolicæ.
MDCXXXIV. Superiorum permisso.

Perlegi magna cum voluntate Opusculum hoc eruditum Illustriss. & Reuerendiss. D. Ioannis Episcopi Bosnensis, in quo ex vetustis & probatis monumentis nobili Spalatensi Metropoli S. Felicem Episcopum & Martyrem inuictum vendicatur, & postliminio doctis reddit argumentis. Dignum iudico, quem in veritatis & clarissimæ gentis Illiricæ gratiam omnes legant, & excussum præ manibus habeant. Ita censeo ad S. Isidori Collegium Romæ die 23. Nouembris 1634.

Fr. Lucas VVadingus.

Imprimatur, Si videbitur Reuerendiss. P.M.S.P.A.

A Torniellus Vicesgerens.

Imprimatur,

Fr. Antoninus Celi Mag. & Socius Reuerendiss. P. Mag. Sac. Pal. Apost. Fr. Nic. Riccard. Ord. Prædic.

EMINENTISSIMO

ET REV.^{MO} PRINCIPI

FRANCISCO

TIT. S. LAURENTII IN

DAMASO

CARD. BARBERINO

S. R. E. VICECANCELL.



Ioannes Episcopus Bosnensis felicitatem
precatur.



IN sacra Historia, qua ante triennium, Regiæ sanctitatis Illyricanæ fecunditatem collectam, tua benignitate concinnatam, tuaque liberitate luci expositam; dum martirium inuictissimæ Heroinæ S. Arthemiae, Diocletiani Principis filiae, describerem, emendando errorem in Aurelia Valeria

ria nobilitate pridem edita, ex diu suppositio Sexto Aurelio Victore, contractum, cum me significassem iam stylum strinxisse, contra, alioqui doctum virum, patriæq. suæ singulare decus, Thadæum Donnolam Ispolensem, siue Hispolanum, Spalatenſi Vrbi, immo veritati, nimio patriæ illustrandæ affectu, minus æquum, cumq. paulò post onus Episcopale humeris meis impositum, nouis curis, vix strictum stylum retardasset, mox Legatio Apostolica ad Visitationem Septentrionalium partium iniuncta, & ab vrbaniſ musis, & ab eodem stylo producendo vltèrius, abstraxisset, tandem ſelqui altero anno ventente, muneris Apostolici rationem rediturus, Urbem repetendo, benignitatis. tuæ hospitalitate, ad ſacras illius ædes, cuius Leuitica dignitate præfulgens, dispergendi dandiq. pauperibus, bonum opus æmularis, humanissime recreatus, ommiſſum stylum repetij, breuique lucubrationcula, vt inter graues curas licuit, S. Felicem Episcopum & Martyrem, nō admodum felici conatu, per Donnolam à Spalatenſi Vrbe, ad Hispolenſe ſiue Hispellanum oppidum, ex Dalmatia, in Vmbriam, attractum, veritati, & Spalatenſi ſacro ſepulchro, non abſque felicitatis omine reſtitui, cum vltimam lineam ipſo triumphali die, Filiorum S. Felicitatis, lucubrationculæ produxerim, edendiq. facultatem ipſius Felicitatis anniuersaria memoria acceperim, qui paulo ante, ipſa feliciffima luce S. Felici dicata, ex Illyrici littoribus, oras Italicas tenueram.

quod

quod opusculum felicissimo patrocínio tuo. Princeps virtutibus omnibus eminentissime, vt alias causas ommittam, vel ex eo capite commendo, quo nullus alius eiuscemodi dilceptionis arbiter, & aptior iudex esse queat, quam tu. qui præterquam quod sacrarum antiquitatum Bibliothecā, heroico tuo pectore cōdidisti, Vmbrorū prouinciam, Spoletanā autem ditionem præcipue, intra quā Ispolum siue Hispellum includitur oppidū, penitus perlustrasti, indagasti, examinasti, quādiu Sanctiss. D. N. patrui tui, dum ipse Spoletanuna gregem, paut pastor vigilantissimus, ijsdem studijs, quibus nunc in vniuersalis Ecclesiæ curis, adfuiisti, & interfuiisti. accedit eruditioni, & rerum experientiæ, sacrum munus nuper tibi ab eodem supremo terrarum Pastore demandatum, quo, vt olim Hieronymus Damasi autoritate, tu Urbani, in Damasi throno, & eximijs dotibus succedentis, Ecclesiasticarum consultationum, ex vniuerso orbe Christiano confluentium, sollicitudinem, Hieronimiano zelo, felicissimam exerces. denique quia qualiscunque labor hic meus, ex ijsdem sacris Laurentianis penatibus lucem agnoscit, quos idem Hieronymus Damasi lateri adherens, incoluit. Hoc itaque opusculum Hieronimianæ nationis (cuius res agitur) in gratiam, quam immortalibus beneficijs prosequi desinis nunquam, benignus excipito, proq. innato veritatis propugnandæ amore, tueri dignato.

Marci

marci Spudei Salonitani, I.V.D. de Donnolæ
conatu iudicium.

*Spellum pro Spalato finxisse, perinde tenetur,
Priuatam, ac Regum, finxeris esse domum.
Regia qui coluit pugnans Palatia Felix,
Priuata, haud facile Victor, in æde cubat.*

Caroli Verantij Siccensis.

*Scribere quis quis amat clarorum facta virorum,
Vel res quas diues Mnemosines teneat,
Diuerſas aæat necesse est ſedulus Vrbes,
Et varia, doctos conſulat arte, viros.
Exiguſ tectis, vix eſt ſpectare propinqua,
Alta niſi ſcandas, nulla remota vides.
Non facile Spalatum reperiri, Donnola ſcribit,
Exiguſ tectis, vix tulit ille caput.
Inuia nulla via Tomco fuit, hætenus orbe,
Aequora ſiue ſeces, arua vel ampla petas.*

Michaelis Verantij.

*Spoletum, Spalatum, ſeu Vrbs Martana, Tudertum,
Felicis palmas ambitione petunt.
Tranſeat; hac ſacro ſemper fulſere decore,
At ſacra Hiſpolo, nomina nulla quadrant.*

Ioan-

Ioannis Lucij Tragurini I. V. D.
Ad Donnolam.

*Donnola Dalmaticas durus cur scavis in Vrbes,
Funditus ut totas interijſſe velis?
Gothorum feritas nequijt quas perdere quondam,
Enſis Vandalicus, Tartaricusſue furor,
Impetit aſſidue quas caſſo Turca labore,
Tempus edax rerum queis quoque parcit adhuc,
Somnia forte docent reperiri nulla Spalati
Mania, ſed ſomno non datur ulla fides.
Vnica ab Auguſtis integro ſtruetta labore,
Vrbs Palatina manet, cetera ubique iacent.
Felicis cineres inibi, dum protegit almos
Ipſe Deus, pariter protegit & Spalatum.*

Ioannis Miſercich Canonici Siccenſis.
De Donnola.

*Donnola vult Spellum folio fulſiſſe ſacrato,
Nulla priora tamen cum monimenta promat.
Auguſtum Spalatum, venerandum Sede ſacrata,
Annos mille ſuper, teſte vel orbe ſatis,
Extinguit terris, cur ſic? quia forſan in Vmbriſ
Somnia que dictant, ſas ceciniſſe putat,
Hæreo, tam docto ſi quiſquam hoc credet in auro:
At radijs ſolis clariuſ ecce patent.*

Mat.

Matthæi Dudesij Abfcorenfis.
Ad Donnolam.

*Vt rapias Spalato Felicem, Vrtem eripis orbi,
Mania dum Spalati Donnola nulla nulla putas.
Si sponte erras : sponte errori cedere stultum est ;
Si culpa inuita est, corrige falsa libens .*

Antonij Bogdanich Bosniensis .
Anagramma.

IOANNES TOMCVS MARNAVITSIVS
EN IVSTVS CVM RATIONIS AMANS.
*Causidico, ratio crebro censetur in illis,
In quæis nec veri, nec rationis onus.
Historicu, ratio cui veri formula sola est,
Causidico melius ius rationis habet. (TSIVS ipse
EN RATIONIS AMANS, CVM MARNAVI-
TOMCVS IOANNES IVSTVS. ubiq; sonat.*

Michaelis Clarij Zagabrensis.
De S. Felice.

*Quid tenet Illyricos Feliois Lipsana tractus,
Vmbria martyrium si sibi forte dedit ?
Quid loca destituit primos ubi sanguine fontes
Fuderat, & palmis Victor habendus erat ?
Scilicet hic moriens patrias processit ad aulas,
Flagrat at in patrijs quisquis inesse plagis .*

S. FELIX

1

S. FELIX EPISCOPVS ET MARTYR.

Spalatenſi Vrbi , & veritati
vindicatus .



A est hominum erga patrium ſolum affectio , iſque erga natales terras , in humano pectore exardescit amor , vt nunquam ſe ſatis egiffe , nec diu vixiſſe , pro augendis atque exornandis laribus ſuis exiſtiment . multoq. auidius rei patriæ , quam priuatæ amplificandę , amplioris animi vtri ſtudere noſcantur . vt in tanta auiditate , immenſoq. ardore ſuæ Ciuitatis illuſtrandæ , mirum ſit minimè , ſæpe ſæpius , non priuatos homines tantum , ſed vrbes ampliſſimas , & in orbe Chriſtiano etiam præſtantiſſimas Reſpublicas , & pro natalibus illuſtriũ virorum , & pro eorundem ſacrorum cinerum , ac reliquiarum poſſeſſione , litibus decertaſſe immortalibus : ita ſeptem Vrbes Aſiæ primarias , ſuper Homeri poetæ natalibus , egiffe tradidit antiquitas ; ita inter Paleſtinos & Cyprios , miram contentionem ad ſua tempora perduraſſe , ſuper poſſeſſione reliquiarum . S. Hilariſonis , Diuus tradit Hieronymus ; ita eiſdem Hieronymi natale ſolum in vno Illyrico , tria oppida ſimilitu-

A

itudine nominis affinia, certatim sibi vſurpant; ita vt
 cuiuscemodi plurima mittamus exempla, vna eademq.
 in vnica insula, gens Sicula, post mille quingentos, fer-
 me annos, super natalibus pretiosissimæ cælo æque
 atque terræ; Virginis, & Martyris Agathæ, nouis æuo
 nostro, litibus exarsit, dum Panormitani Cathanienſi-
 bus, illos eripere conantur. hoc idem cum nuper ob
 felicissimum Christi Martyrem, rarumq. in paucis Epi-
 scopum Felicem, 18. Maij tabulis Ecclesiasticis incly-
 tum, Spalatinis, siue Spalatenſibus, Spoletinis, Marti-
 nis, Tudertinis, Hispolinis, sanctissimum Præsulem ad
 se atrahētibz, contingere videam, ego qui in historia,
 qua vnicam sacram nobilitatem Aureliam Valeriam,
 Salonitanam, ante sexennium expressi, eundem Feli-
 cē Spalatenſibus adſcripſi, quo tēpore nil prorsus mi-
 hi constabat eorum, quæ paulo ante Thaddæus Don-
 nola Hispolensis, ad propriæ patriæ decus, de eodem
 sancto viro, scriptis euulgarat, vbi demum hæc ani-
 maduerti, operæ pretium duxi, ne quis me falcem in
 alienam messem posuisse reprehēderet, ijs quæ à præ-
 fato authore, viro alioqui multarum rerum scientia,
 prædito, impressa circumferuntur, examinatis, libra-
 tisq. quibus innititur argumentis, breuiter historico
 more, totum negotium discutere, vt vnica rerum Re-
 gina, optimo iure, sicuti idem testatur, Veritas trium-
 phet.

Hanc vt pro se stare, Lectori persuadeat Donnola,
 authoritatem profert viri de litteratura Ecclesiastica
 optimè meriti Vſuardi, ante octingentos annos Mo-
 nachi. qui sub eadem die duodeuigesima Maij, qua

Mar-

Martyrologium Romanum memoriam agit S. Felicis Episcopi & martyris, Spoleti, vt in serie dictæ Lectio-
 nis apparet, Sp. lati verò, vt varia Lectio à Cardinali
 Baronio adiecta Lectioni, & asterisco notata ostendit,
 ex ijs causis, quas in notis, ad eandem Lectiorem, ad-
 scribit, ponit memoriam S. Felicis Episcopi & marty-
 ris, sub eodem Imperatore Maximiano, sub quo &
 Martyrologium Romanum, sed apud Spellatensem Vr-
 bem. qua authoritate prolata, & Spoletanæ, & Spala-
 tensi Urbibus, ipse Donnola S. Felicē auferre conatur,
 vt Hispolio patrio oppido illum assuat. sed pro maio-
 re rei claritate, iuuat initium ipsum sui libelli profer-
 re: *Sanctus, inquit, Felix Episcopus & Martyr, cuius festū
 ab Ecclesia Catholica die 18. Maij celebratur, Spoleti in
 Martyrologio Romano quo hodie utimur, legitur Martyrio
 coronatus, his verbis: Spoleti S. Felicis Episcopi, qui sub
 Maximiano Imperatore martyrij palmā adeptus est. Quod
 ex Vsuardo Monaco in eius Martyrologio eodem die, &
 Petro de Natalibus Episcopo Equilino in Cathalogo San-
 ctorum li. 5. cap. 13. astruere videtur Illustriss. Card. Ba-
 ronius, in suis ad Martyrologium Romanum postremò au-
 ctis Notationibus; dum nulla facta mentione, nec ratione
 habita Lectiōis Vsuardi, quem primum assert, Spoleti vt
 supra legendum existimat, asseuerans pro Spoletino Spala-
 tensē, à Petro dici Episcopum, ac Spalatēses eum sibi, vt
 suum vendicare Ceterum (sequitur) vincit veritas qua ea
 sententia planè refellitur; Non enim Spoleti, seu apud Spo-
 letanam, neque apud Spalatensem in Dalmatia. sed vera,
 & germana Lectio est, apud Spellatensem Urbem in Vm-
 bria. idq. perspicuum est, non modo ex ipso Vsuardo loco*

allegato, cuius verba formalia in omni editione sunt hæc, videlicet: Ipso die Sancti Felicis Episcopi, qui apud Spellatensem Urbem sub Maximiano Imperatore palmam martyrij adeptus est ita ille . sed minimè veritatis triumpho. cum enim asseruisset (vt vidimus) nō Spoleti, seu apud Spoletanam, neque apud Spalatensem in Dalmatia, sed veram & germanam esse Lectionem, apud Spellatensem Urbem in Vmbria, Vsuardus tamen ab eodem recitatus, nullam mentionem Vmbriæ habet, ita vt germana Lectio, minus germana, in ipso limine veritatem iuam minimè vincentem, sed ruentem exhibeat. Nec contentus mala fide, immo cum limpostura, Vsuardum citasse, Lectioni imponendo, Petrum Equilinum erroris arguendo, erranti sibi conciliare nititur, cum ait, idem constare quod ex Vsuardo confinxerat, etiam ex Petro qui (verba eius sunt) dicto lib. 5. cap. 13. à Baron. citatis, non legit Spoleti, seu apud Spoletanam Urbem, sed postposita tantum libera, ex Typographi incuria, vt plerumque accidit (quod forsan Baronio, & alijs erroris offendiculum fuit) inquit: Felix Episcopus apud Spalatensem Urbem sub Maximiano Imperatore passus est, qui cum Christum Dominum predicaret à Iudice comprehensus, post plurima supplicia, gladio cedente, martyrij palmam adeptus est. 15. Cal. Iuny: hæc Ado in Martyrologio. hætenus Petrus: ita Donnola, pergit porro: Dum igitur Petrus ea refert ex Adone in Martyrologio, clarius detegitur error in dicto verbo Spalatensis: quod cum ipse paucis additis, Vsuardi verbis utatur, vt supra ex utriusque scriptis cōstat; ex Vsuardo qui habet Spellatensis scribere voluisse dicendū est; non autem ex Adone, qui eo die 8. Maij à S. Felice nec
qui.

iusdem verbum prodit. Quod vero Petrus aequè alias
 & tertio Adonem perperam citauerit, vel ex ipso Cardinali
 Baronio constare potest, in iisdem Notationibus ad diem
 4. Ianuarij in verbo *Dafrosa*, & ad diem 8. Augusti in
 verbo *Seueri*, alijsq. in locis, in quibus à Baronio redargui-
 tur. ita Donnola, qui ne longiores simus, pergit erro-
 rem Petri exaggerare, quia nec in altero Adonis Mar-
 tyrologio, neque à Petro Galesino mentio habetur
 S. Felicis sub die 18. Maij. Ex quibus patet: Donno-
 lam velle primo Lectionem Petri pro se citare, dum-
 cum Typographi incuria possit excusare. secundo: eū-
 dem trahere in sententiam Vsuardi, eo quod neque
 cum Adone, neque cum Galesino citatis, conue-
 niat. At hoc dato & non concesso, non tamen
 Spallatensem Urbem in Vmbria constituit, nec Spel-
 latensem Urbem Hispoli oppidum ostendit. Sed bo-
 nus Donnola vt quoquomodo Petrum in proprium
 errorem pertrahat, errat multò periculosius. Tum
 quia (inquit) si idem Petrus de ea ciuitate verba facere in-
 tellexisset, (de Spalatensi intelligit) utique non apud Vr-
 bem Spalatensem, neque apud Epetium, quod oppidum est
 vulgo Spezze Stephano, & Ortelio testibus, sed apud Salo-
 na Urbem latine scriptis mandasset, vt alias egit, & mox
 subiijciam, porro Spalatum haud facile est reperire apud
 authores, Spalatra verò ex Stephano Thessaliae vrbs est.
 ex Plinio lib. 4. c. 9. *Magneſia* oppidum, vt scribunt Orte-
 lius & Passeratius; veteres autem scriptores, & Petrus
 Appianus cum Gemma Frisio, in 2. parte Cosmographiae, in
 verbo *Dalmatiae* ciuitates, atque iisdem Stephanus & Orte-
 lius, Galesinus, & alij, *Salona* ciuitatem, olim *Coloniam*

pene

pene euerſam, non autem ut atas noſtra Spalatrum dicunt, quod & aduertiffe videtur Dominicus Marius Niger in ſua Geographia, comment. 6. qua in urbe Salona Diocletianus Imperator genitus, ampliffimum excitauit adificium, quod adhuc ferme extat, & tandem cum Maximiano Collega xx. principatus anno, depoſita Imperij purpura (& ſi Maximianus non equè propoſiti tenax fuerit, decennium ibidem hortorum cultura ad liſtus herens, mortem obijſſe fertur. ut tradunt hiſtorici, & ſcribunt Nicephorus Calixtus, Eccleſiaſtica hiſt. lib. 2. cap. 20. Socrates Conſtantinop. lib. 1. c. 2. in ſin. Diuus Antoninus, par. 1. tit. 8. c. 2. §. 1. in ſine. & Naucler. in chron. generat. 11. ad annum Domini CCCIX. ubi per bel. e Diocletiani verba ad Maximianum ſpe repetendi principatus elatum, reuocās ait. Vtinam Salonis olera noſtris manibus inſita inuiſere poſſes, de reſumendo Imperio non iudicares. haſtenus verba Donnolæ, nil minus quam propoſitum ſuum, ſed ſemper maiorem errorem oſtentantia. præſertim dum Urbem Spalatrum haud facilè apud authores reperiri, & Spalatrum vnam eandemq. ciuitatem cum Salonis, ſiue Salona, eſſe, lectoribus imponit. Et quidem de priori parte impoſturæ; ideſt Spalatrum non inueniri apud authores, cum idem ſit, haud facilè reperiri, ſicuti etiam de poſteriori, nimirum vnam eandemq. Urbem Spalatrum & Salonam, mox clariſſimis authoritatibus oſtendā; ſed prius, ut Lector, Iuris vtriuſque Doctōris iniuriā in Clafficos authores, ab illo citatos, agnoſcat, pauca percurramus. Citat ille, ut vidimus, Ortelium pro oppido Epetio, at in quem finem, ni magnus Apollo ex tripode aliquid innuat, abſolutè non capio, cum
nec

ec Petrus, nec Vsuardus, nec Ado, nec vllus scripto-
 um de S. Felice scribentium, Epetij meminerit, citat
 amen, quasi Epetium, sicuti & Spalatū cum Sa-
 ona confundere velit at Ortelius ipso loco ab illo ci-
 tato, Epetium non in continenti ponit sicuti est Salo-
 na, sed locum Insularem ex Plinio, quem citat, ostēdit.
 ita vt Epetium post imposturam, confusiōni tantum
 adaugendæ, apud Donnolam inseruiat. idem paulò
 post, Dominicū Mariū Nigrū scribit aduertisse,
 Salonam & Spalatū idem esse. at Dominicus loco à
 Donnola citato, postquam Salonam & eius situm de-
 scripsit, sequitur: Palatium oppidulum haud procul Sa-
 lonis, quod nostra ætas Spalatū appellat in margine
 curuati listoris situm. ita Niger. sed & Naclerum.
 peruerit, quippe qui loco citato clarè scribit Diocle-
 tianum priuatū in villa, haud procul à Salona, præcla-
 ro otio cōsenuisse. ita Naclerus, velit nolit Donno-
 la. sed ne omnium erratorum suorum, discussorem
 agam, ad primam imposturæ partem, accedendo, qua
 Spalatensem Urbem non reperiri, siue difficilè reperiri
 apud authores ait; vt missas faciam cateruas Spala-
 tensium ciuium toga sagoq. mille annorum spatio præ-
 stantissimorum, Capitulum eiusdem Urbis per octin-
 gentos annos integros, omnium Dalmatię Episcopopo-
 rum Seminarium; ipsum Spalatensem Archiepiscopa-
 tum, trium amplissimorum Episcopatum, Pharensis,
 Tininiensis, & Modrusiensis matrem, & suæ propriæ
 Diocesis ac mensæ imminutione, fundatorem; cul-
 men ipsum Spalatensis Ecclesiæ, libera electione Me-
 tropolitani eius Senatus, Legatis Apostolicæ Sedis,
 etiam

etiam Cardinalitia eminentia clarissimis delatum, & per eosdem felicissimè administratum, Urbem eandem plurium Regum & Reginarum hospitam, quamdiu sui iuris fuit, mox sub Regibus Vngaricis & Bosnensibus, ac ipsa Republica Veneta, liberarum ciuitatum ritu habitam, aliquando etiam fauore Regū Siciliae & Vngariae, ad Ducalis excellentiae, proximarumq. Insularum, ac maris imperium, nec non adhuc extantis monetae iure cudendi, amplitudinem euectam, Reipublicae Anconitanæ, aliarumq. liberarum retro actis sæculis, urbium fæderibus inclytam, vt antiquitatum magis quam legum studiosis, apud authores est facile reperire, præsertim verò apud eorum compillatorem Antonium Proculianum, Venetijs sæpe cūsum, præterito sæculo, & recusum; neque enim Spalatensis Urbis Encomiastem, sed veritatis illustrandæ, qua maxima breuitate licet, perfungor officio. Spalatensis Vrbs vnico Donnolæ difficilis repertu, siue potius nulla, toto orbe, vel præcipuè Orientalium mercium, quæ Venetias, magno Italiae, & Europæ vniuersæ commodo, iam diu quotidie conuehuntur, illustrissima, eodem littore Dalmatico, quo illam Naclerus à Donnola mala Fide citatus constituit, à Salonarum ruderibus, simili fermè spatio, quo Hispolū à Fulginate Vrbe distans, vt patet ex Historia, memorialis nomine, à Thoma Archidiacono Spalatensi, ante quadringentos annos, de Salonitanis, & mox de eorum successoribus Spalatensibus Præsulibus, acuratissimè scripta, à Diocletiano Augusto, magnificentissimo opere, cui per mille trecentos annos tempus edax rerum, vt vix alicui reli-

quæ

iuxta Romanæ maiestatis, ad nostra pepercit tempora,
 insultante licet plurimarum potentissimarum gentium
 impetu, extructa fuit solatio vitæ priuatæ, cui per decē-
 nium ab Imperij mole, inaudito exemplo & felicitate
 numeris excusso, studuit ad vltimum vitæ fatum, per
 multa sæcula Palatij nomine appellata; In ea Iulium
 Nepotem Dalmatam, Romanū Principem, ab Oreste,
 quem militiæ magistrum idem Princeps constituerat,
 Imperio deturbatum, post ducentos fermè annos, à
 Diocletiani tempore, Glycerius vir sanctissimus, ex
 Imperatore, Salonarum Antistites, hostem pridem
 suum, Christiana pietate, Orestis furori subtractum,
 excepit diu, fouitq. progressu temporis inclinata Ro-
 mani Imperij maiestate, irruentibus ex vtraque Sarmat-
 tia, pluribus gentibus in Romani Regni reliquias, Mau-
 ritij præsertim; Phocæ, Heraclijq. temporibus in pri-
 mis, Salonarum vrbe, ab Auaribus populis, quos Simo-
 cata illorum temporum scriptor Slauos appellat, sicuti
 & Cōstantinus Imperator Porphirogenitus dictus, qui
 modum euersionis ad oculum describit, diffugientibus
 huc illuc, ad proximas Insulas, præsertim Salonitanis
 ciuibus, bustum totius Dalmatiæ Metropolis, Illyricia-
 neq. gentis ad illa tempora Emporium, destitutum iacuit.
 verum mitigatis postea hostium efferatis animis,
 & ditissimæ vrbs spolijs ex satiatis, cum Salonitani ci-
 ues exules, antiquæ patriæ desiderio arderent, Seuero
 Episcopo authore, magna pars illorum, natale solum,
 ex Insulano exilio, repetendo, cum Salonas euersas,
 minus tutum locum ad incolendum inuenissent, & re-
 stituendis mænibus Vrbis, quæ teste eodem Constan-

B

tino

tino cap. 29. dimidium habuit eius magnitudinis, quā Constantinopolis, impares esse se agnoscerent, Palatium Diocletiani insano opere structum, admirandisq. turrium altissimarum propugnaculis circumseptum, & pro eorum temporum conditione, locum prorsus inexpugnabilem, fontibus, templis, varijsq. ædificijs, ad Imperialium seruitiorum, opificumq. vsum, olim exornatum, milliarii fermè circumferentia laxatum, incolendum duxere; sacris prophanisq. Salonarum ornamentis, illuc importatis. hinc à Palatio, Spaletium, mox Spaletum, & Aspalum, denique Spalatensis Vrbs, dictum est. quare sigillum quo Senatus Spalatensis vtitur, exhibet structuram præclari Palatij in modum arcis extructi, sequenti Epigrammate circumscriptum.

Spaletum Palatium Latum.

& hæc quidem ex Archidiacono & Proculiano laudatis. quibus quia non facilè Donnola, iuristarum morè, diues exceptionibus acquiescet, tanquam Dalmatis. ad externos accedamus. apud quos Spalatensis Vrbs ita præclara sèper extitit, vt nullæ mēbranæ sint ex ijs quæ Nauarchorum industria, littoribus orbis terrarum exactissima proportionē, ad ventorum flatus per lineas designatis, nauigationibus dirrigendis exaratis, hætenus prodire, quæ illam suo loco adnotatam non exhibeant, pluresq. ampliores nimirum, etiam Salonarum situm ostendent. Verum enim vero quoniā Donnola in mediterraneis natus & educatus, facilè eiusmodi membranarum ignorance vellet excusari, quāuis maritima tractanti, concedatur id nequaquam, præ-

terea

crea quoque quot Cosmographi, Geographi, Corrographi, q. ab magnetis lapidis usu in mari inuento, spatium sæculorum, de situ terrarum orbis, & specialiter de Hadriatico mari, tabulas edidere, Spalatensis urbis meminere perpetuo. ex quorum numero, duos in hac facultate immortalitati natos, satis Latine scribentes, Ortelium in suo Theatro, & Mercatorem in Atlante, produxisse hic, pro innumeris alijs sufficiat. quorum uterque Spalatum in littore à Nauclero descripto, Salonâ separato situ describit. hic in tabula Sclauoniæ, ille in Illyrici. ita ut quod apud viros omnibus obuios facile reperitur, difficile, vel minimè reperiri. Donnolæ, unde proveniat, modestia suadente, libenter subiticeo. concedamus tamen hoc viro causas officij sanctę Inquisitionis, toto affectu perageti, vix vacasse per occupationes ut inuestigaret, illud tamen quod in omnibus ferme angulis Urbis Romanę, per quadraginta, paulo minus annos, ex quo Romam frequentare cępi, omnium noui oculis occurrere, amplissimo nempe papiro, æneo opere præeleganti, Spalatensem Urbem, cum vniuerso agro, necnon ruinas Salonarum, cum proximis quibulq. finitimis Insulis, urbibus, oppidis, & arcibus, ante sexaginta annos à Martino Rota primū, mox à Natali Bonifacio Sibenicensibus, ænei operis exprimendi facile principibus, venalem prostantem, quo modo virum alioqui solertissimum præterire potuerit, non video, nec videre multum laboro, cum sufficiat aliorum oculis, id quod Donnola minimè vidēs, alios quoque difficile potuisse videre, vel nullatenus vidisse, iniuria veritatis asseuerat. At non solum apud

præfatos authores, & eisdem fimiles, Spalatensem Urbem est facile intueri, sed & alios omnes, qui variarum nationum, Illyricæ præsertim gentis, & Dalmatiæ Pro-
 uinciæ, vel leuiter meminere. quorum Cathalogo re-
 censendo, ne patientia benigni Lectoris abutar, om-
 nium præstantissimum & Græcè, atque Latinè triginta
 septem ab hinc annis, Vrbi & Orbi illustrissimum, emi-
 nentia dignitatis, experientia & notitia earum rerum
 quas scribit, & grauitate negotij, in cuius finem scribit,
 omnium in hac materiè maximum, & quem ignorasse
 Iuris Doctori, quàm impunè liceat, ipse Iurista viderit,
 Constantinum Imperatorem, septingentis ab hinc an-
 nis, ad Romanum filium, & in Principatu successorem,
 leges administrandi Imperij (quod Augustum cum Ti-
 berio, alijsq. principes cum successoribus suis egisse
 constat) præscribentem, vnum pro omnibus alijs exhi-
 beo, Spalatensem Urbem, & Salonas ad oculum expri-
 mentem. hic ergo Capite vigesimo nono, de rebus &
 qualitatibus Dalmaticis filium instruens: Diocletianus
 inquit Imperator Urbem Aspaltum condidit, & in ea
 Palatia omni descriptione maiora, quorum etiamnum
 reliquiæ supersunt veteri magnitudinis testes. ita ille
 qui eodem capite sed propè ad finem: Aspalti Vrbs,
 quæ paruum Palatium significat, Diocletianus Impe-
 rator extruxit, habuitq. illam vt domum propriam, au-
 lamq. ibi ædificauit, & Palatia quorum pleriq. inter-
 ierunt. quæ autem etiamnum supersunt, valde pauca
 sunt, ex quibus Episcopi Urbis, & templum San-
 cti Domni, vbi ille ipse sanctus sepultus est. quod cubi-
 culum erat eiuidem Diocletiani Imperatoris. subter
 sunt

sunt notundi fornices, olim custodia, in quas sanctos
 immaniter à se cruciatos compingebat. ibidem etiam
 situs est Sanctus Anastasius. Vrbs autem hæc neque
 è laterè est, neque ex enchorego, sed ex lapidibus
 quadratis, vlnarum sæpè duarum longitudine, & vnius
 latitudine. qui compaginati inter se, cinctiq. ferro in
 plumbum liquefactum impacto; in ea Vrbe stant etiam
 columnæ complures, super quas cosmitæ, in quibus
 idè ille Imperator Diocletianus edificaturus erat ro-
 tundos fornices, totumq. oppidum tecturus, & Pala-
 tia sibi extructurus, omnesq. vrbis ædes, quæ supra
 istos fornices, gemino, aut triplici concameratione,
 vt non exiguam partem cooperuerit; mēnia autem vr-
 bis ambulacrum non habent, neque propugnacula,
 sed è simplici muro sunt; in quo fenestræ ad emitten-
 da iacula. ita Constantinus. Spalatensem autem Vr-
 bem totius Dalmatiæ principem fuisse, patet ex eodem
 cap. trigesimo sub finem. vbi dum scribit qualia tribu-
 ta liberæ Dalmatię ciuitates Auaribus siue Slauis, pen-
 derent, Aspaltum duplo plus alijs soluisse memorat:
 Aspaltus, inquit, solidos ducentos, Tetrangurin, hoc
 est Tragurium centum, Diadora, hoc est Iadra centū
 & decem, Opfara centum, Arbe centum, Becla, siue
 Vegla centum, Ragusiam verò quia iacet inter ZaKlu-
 ma, Tribuniamq. oppidani pendunt ZaKlumorum.
 quidem Principi 11. triginta sex, Terbuniæ vero toti-
 dem solidos. hætenus instructissimus rerum Dalmati-
 carum Constantinus. qui dum modum quò, & popu-
 los, à quibus Salonæ euersæ fuerunt describit, sat proli-
 xa serie, Spalatū à Salonis diuersum efficit, vt supra

vidimus. quod idem de Crobatibus agens replicat, dum ait: Illic in hodiernum vsque tempus Palatia ac Circi Diocletiani supersunt, in Vrbe Salona, & prope Aspalatum. hæc Imperator. nec est cur nobis obijciat Naucleri auctoritatem, qua Diocletianus ad reasumendū Imperium sollicitatus à Maximiano Collega, fertur respondisse: Vtinam Salonis olera manibus nostris insita inuiscere posses) de reasumendo Imperio nō iudicares. etenim hunc Naucleri locum, mala fide à Donnola in suam imposturam attractum, ex ipso Nauclero docuimus, qui Diocletianum non Salonis, sed in Villa haud procul à Salonis consensuisse tradit, quod bonus Donnola subtrahit. nec obstat quod Salonis olera seuisse responderit Diocletianus, cum sciamus ob nobilitatem loci, primario loco tribui quod in eius agro sit, Spalatum autē in agro Salonarum, sicut & hortos olorum, extitisse certum est. sed breuitati insistendo, auctoritatem Romani Imperatoris prolarā, summi Romani sacrosancti Throni authoramento, germanam esse videamus. etenim in eius Curia, Codex extat antiquissimus cusus, & recusus pluries, qui Prouintialium omnium Ecclesiarum inscribitur, ex libris Cancellarię Apostolicę extractus, vt ipse titulus præ se fert. in eo Spalatenfis Vrbs, non solum Cathedrali dignitate, vrbium orbis Christiani formali prærogatiua, sed Metropolitica etiam præeminentia, decem suffraganeis Episcopis insignis habetur. & vt priuilegia Spalatensis Ecclesię, nunquā in controuersia attracta testantur, sed ad hanc vsque diem vsu comprobata, Primatiali maiestate super Dalmatiam, & Croatiam nobilitatur. & licet

licet allatae haecenus auctoritates, ad plenam proba-
 tionem veritatis, pro qua scribimus, satis superq. suffi-
 ciant, iuuat attamen post Pontificia, Cæsarea testimo-
 nia, etiam Regalis excellentiæ habere suffragia, licet
 non omnibus obuia. Afferuatur in Archiuio Spala-
 tensis Senatus, transactio in veteri membrana, sigillo
 Regio Vngarico nobilis, inter eos Belamq. Regem,
 Vngariæ ante quingentos annos inita, eiusmodi tenor-
 is: Anno Dominicæ Incarnationis millesimo cente-
 simo trigesimo secundo; Ego Bela Rex Vngariæ, Chro-
 batia, atque Dalmatiæ; Iuro super sanctam Crucem
 vobis Spalati principibus, firmam pacem & libertatē.
 mihi quoque, & filio meo, aut successoribus nostris
 tributarij ne sitis. Episcopum vero aut Comitem,
 quem Clerus & populus elegerit, confirmabo, & lege
 antiqua constituta, cum vestro iudice, vos vti permit-
 tam. ita Bela Rex multa q. alia, quæ breuitatis gratia,
 omittimus. extat & alia eiusmodi fermè tenoris, præ-
 fertim vbi Spalatenses principes appellat, in eodem
 Archiuio, anni Domini millesimi cêtesimi quadragesi-
 mi tertij, à Geisa Rege itidem Vngariæ acta. vt magis
 elucescat Donnolæ Spalatensis Vrbs, à viris qui prin-
 cipes à Regibus appellarentur, excultam fuisse; quam
 ipse nullam, vel non facile reperiri, nisi facili stylo as-
 seruit. ex ijs igitur non solum nobilissimam urbem ex-
 tare, sed & diuersam à Salonis, siue à Salonitana Vrbe,
 liquere omnibus, haud dubium est. Donnola nihilomi-
 nus contendens Petrum Salonam, & Spalatum vnā
 eandem urbem intellexisse: *Quod verè (inquit) de Spa-*
lati ciuitate Petrus agens, eam Salonam Urbem dixerit,
patet,

patet, nam in eodem Catbologo Sanctorum lib. 7. cap. 124. de S. Anastasio Corniculario, dictæ Urbis Martyre, inquit, Anastasius Martyr passus est in Salone Dalmatiæ ciuitate, sub persecutione Diocletiani Imperatoris. Hic ex Aquileia ortus &c. atque iterum lib. 11. cap. 130. sub nu. 116. de S. Domnio Salonæ seu Spalati Urbis Episcopo (à quo & ipsi Cathedrali seu Metropolitanæ Ecclesiæ Spalatensis nomen est) breuiter sic scripsit. *Domnus Episcopus cum militibus octo, Martyres in Dalmatia, ciuitate Salona passi sunt 3. Idus Aprilis. idq. pariter comprobatur, tum ex antiqua nuncupatione Episcopi eiusdem ciuitatis, ut in Epistola S. Zosimi Papæ ad Hefychium Episcopum Salonitanum, de qua Gard. Baronius in prædictis Notationibus sub die 9. Aprilis, in verbo Pontifice. tum etiam ex hodierna nuncupatione; Nam Archiepiscopus Spalatenfis, Archiepiscopus Salonitanus Latinè scribitur ab eruditis. ita Donnola. si in alijs minus, in ijs minimè laudandus; dum nec argumentandi modum tenet, nec auctoritates allatas intelligit, Anastasium Cornicularium, cum Anastasio Fullone, Romanum cum Aquilensi, confundit, nec Domnionem à Domnio distinguit, Zosimi Papæ Epistolam ab re producit, & hodiernam nuncupationem Spalatenfis Archiepiscopi, ab Eruditis Latinè scribentibus, Salonitani voce efferi, gratis exponit, vel melius dicam imponit. & ut à primo capite, bona venia patientissimi Lectoris, incipiamus. & quidem à modo argumentandi nulli Dialectorum noto; quis enim vnquam admisit modum argumentandi quo vtitur Donnola, Petrus Spalatium intellexit pro Salona, quia Sanctum Anastasium, cuius reliquæ asser-*
uantur

iantur Spalati, idem Petrus Salona passum fatetur.
 ta enim possemus argumentari: Scriptores Neapolita-
 ni intelligunt Neapolim pro Beneuento, quia S. Ia-
 nuarium, cuius reliquie afferuantur Neapoli, Beneuen-
 ti passum fatentur. & sic Veneti de Alexandria & Ve-
 netijs. Ianuenses de sua ciuitate, & Macheronta, quia
 hi Sancti Baptistæ, illi S. Marci cineres possident: at
 quis absque chachinno talia audire queat? verum bo-
 nus Donnola in S. Domnionem, vt ille ait, Salonæ, seu
 Spalati Urbis Episcopo, ridiculo argumento, confusio-
 nem addit, & mendacium. hoc dum S. Domnionem,
 Spalati Episcopum appellat, cum ille nunquam Spala-
 ti, sed Salonæ Thronū tenuerit. item quia licet Dom-
 nio Salonis federit, ibique cum octo militibus marty-
 rium subierit, non tamen Spalati, sed Romæ prope
 Constantinianum Baptisterium in Ecclesia S. Venan-
 tij, à Ioanne III. Papa Dalmata excitata, in hunc finē
 ab eodē Pontifice, cū socijs, pluribusq. alijs Sanctorum
 Dalmatarum corporibus, opere musiuo, in dictæ Ec-
 clesiæ & apside, & parietibus expressorum requiescit,
 ab ipsa Salonarum euersione, sicuti & ex Lateranensis
 Basilicæ Archiujs, & ex Card. Baron. notis in Roma-
 num Martyrolog. ad 3. Idus Aprilis, apertissimè con-
 stat. confusionem porro, quia S. Domnionem, cum
 S. Domnio Salonitanorum Præfulum Coriphæo, vt po-
 te S. Petri Apostoli discipulo, cuius reliquias Spala-
 tentes in Metropolitana Ecclesia, cum sacris cineribus
 S. Anastasij, ex euersa Salona Spalatum translatis, vt
 dies festus translationis miraculis illustris, annua com-
 memorazione celebrari solitus, cum sacri officij lectio-
 nibus testatur, confundit, cuius S. Episcopi anniuersa-

C ria

ria solemnitas, ab vniuersa Dalmatia, non tertio Idus Aprilis, sed Nonis Maij, solennis habetur. de quo, & non Domnionem, vt vidimus paulò ante, Constantinus Imperator agens de Vrbe Spalatenfi, meminit. auctoritates à Dónola allatas, minimè ab ipso intellectas, ex eadem confusione licet colligere, præsertim qua Sanctum Anastasium Fullonem, cuius reliquiæ Spalati seruantur, Cornicularium appellat, quos diuersos omninò, vel ipse Petrus ostendit. Zosimi Papæ Epistolam gratis citari, vel inde liquet, cum nil minus ex illa probetur, quam quod, vt Donnola male infert, ex antiqua nuncupatione Episcopi Salonitani intendit, siue distendit. nimirum Salonam & Spalatum eandem Urbem hoc, enim modo plures S. Gregorij Papæ & aliorum Romanorum Pontificum ad Salonitanos Antistites epistolas, interpretari licuisset bono Donnolæ. demum quid minorem eruditionem ostendere queat, quam id, quo ait bonus vir, hodiernam nūcupationem Spalatenfis Archiepiscopi, ab eruditis Latinè scribentibus, Salonitani voce efferri. cum neminem talem inueniret, vel ipso Romanæ Ecclesiæ maximè Latino stylo reclamante, qui à tempore Ioannis XXII. qui electionem Spalatenfis Episcopi, primus Capitulo Metropolitano auferens, ad successores transmisit, nūquam Salonitanum, sed Spalatensem Archiepiscopum, in omnibus litteris Apostolicis nominauit. licet ipsi Archiepiscopi, in proprijs litteris, se Spalatenfes, cū adiectione, alias Salonitanos, appellare cōsueuerint aliquādo, vt ostendant ortum suæ dignitatis. sed & hoc quoque concessio, nimirum Petrū Spalatensem Urbem pro Salona dixisse; quid tum? Spalatum in Salonam con-

fla-

flabitur ? quo facto, num hæc metamorphosis aliam
magis monstruosam generabit Hispoli oppidi, in Urbē
Spalatensem coitionem ? at quid absurdius ? Vsuar-
di saltem modo, debet scripsisse Petrus, inquiet Dō-
nola ; sed & hoc admissio, non tamen sequetur Hispo-
lum oppidum, Spellatensemq. Urbem, eandem fieri. at
similitudo vrget Donnola, nominis præsertim Italica,
Hispoli, quæ Spel sonat, proximè accedit ad Spellaten-
sem notionem; respondetur, maiorem affinitatem Spel-
latensis Urbis, cum Spalatenſi itidem Vrbe, quam cū
Spel oppido, clarè videri incomparabiliter. præsertim
cum Spalati nomen, sæpius immutatione litterarum,
alterationem admiserit, apud authores, pro varietate
temporum, vt hinc Palatium, paruum Palatium, As-
paltum, Speletium, Spaletium, & demum Spalatum,
dictum fuerit. quibus alterationibus verosimilibus est
Spellatensem pro Spalatenſi enunciationem, apud ali-
quos inoleuisse, & hoc apud Latinè, non Italicè, scri-
bentes. vnde fit, vt votum Donnolæ faciliè euaneſcat.
At enim vero compatiendum, fortassis fuisset affectui
Donnolæ, erga patriam, si saltem authorem citatum,
bono modo, vt virum grauem, graduatum, & Christia-
num decet, produxisset in medium, & non ita mutila-
tum, vt particulam quæ tantum affectui suo, vtcumque
inseruit, exponeret, illam porro, in qua veritas totius
authoritatis citatæ spectatur, vtpotè suæ imposturæ
contrariam, supprimendo occultaret. etenim vt phan-
tasticum nuper explosum argumentum conficeret, su-
per intentione Petri, eundem citans lib. 7. cap. 124.
Anastasiuſ, inquit, Mariyr paſſuſ eſt in Salone ciuitate
ſalmatiæ, ſub perſecutione Diocletiani Imperatoris ; *Illic*

ex Aquileia ortus . hucusq. ille ex Petro . quia hanc particulam suo gustui inferuire cognouit . sed vbi paulò vltcrius, in eodem textu Petri, vidit Anastasium, non in Vrbe Salona, martyrio affectum , verum ex Vrbe dicta, in qua captus fuerat, in aliã ciuitatem, in, qua Imperator morabatur ductum, idest Spalaturn, in qua Vrbe ex Constantino, vidimus Diocletiano fuisse palatiũ, & ibi in mare, iussu Imperatoris demersum , sacrasque eius reliquias à pia matrona, non Salonæ, sed in territorio Salonitano sepultas, ne prudens Lector inde imposturam detegeret, omnia silentio inuoluit . & reclamante veritate, Anastasium Salonæ passum voluit, & sepultum, vt Spalarum eãdem urbem cum Salona, confingeret . sed verba Petri audiamus, is postquam aliqua præmisit de origine & professione Anastasij . Tandem inquit amore animatus Martyrij, ad Salonitarum ciuitatem deuenit . & cum in hospitio, in quo mansurus erat, signum Crucis in locis pluribus depinxisset ; & ob hoc, à gentibus comprehesus, & iudici præsentatus est. qui cum sanctum cogitasset diuersis laniare supplicijs, ab Imperatore subita iussione cõpulsus est, ad ipsam, in qua Augustus degebat, concitus ire ciuitatem . ob hanc causam, expeditam in Christi martyrem, sententiã protulit , vt suspenso ad collum eius ingentis lapide, in mari, præcipitio daretur . ita Petrus . qui vbi narrauit inuentionem sacri corporis, opera pię matronæ Asclepię procuratam: mox addit : matrona deinde Ecclesiã construxit, & corpus martyris in Salonitano territorio, collocauit . ita Petrus . ex quo si bona fide egisset Dónola, bene cognouisset . S. Anastasium in alia ciuitate à Salona, nimirum in qua Augustus degebat ciuitate,

mar-

martyrij sabijſſe ſententiam . quam ciuitatem apertè ex Porphirogenito, Aſpaltum , ſiue Spelatium , ſiue Spellatenſem vr̄bem, alijsq. ſimilibus paulò diuerſis inter ſe nominibus appellatam, vidimus . Sed illud etiam non prætermittendum in Donnola, quod vbi probauit Petrum nequaquam errore ductum, Spalatenſem vr̄bem potius quam Spoletanam ſcripſiſſe ; ſtatim in illū virga inſurgit cenſoria , negatque legendum apud illum, id quod pluribus eius editionibus conſtat, apud Vr̄bem nimirum Spalatenſem, ſed Spelatenſem , prout ait haberi in Codice manu ſcripto, Romæ in Bibliotheca Ducum ab Altaemps, conſeruato. at hoc etiam dato, nec tamen eiſcemodi maleo S. Felix ex Hiſpolenſi oppido, detundetur potiusquam ex vr̄be Spalatenſi, cum Spalatēſis vox magis concordet cum Spelatenſi, quam cum Hiſpolenſi nomenclatura, quin immo ſi gramaticis, ſiue orthographicis obſervationibus eſt locus, ab ipſo Vſuardo, quem vnicum ſuum habet Achillē Donnola, Petri lectio ab Altaempſiana lectione nō ſecedens, ad Spalatēſes magis accederet; cū in citato codice, vt proferat Donnola, Spelatenſis vr̄bs, cum ſimplici liquida littera L. expreſſa habeatur, ſicuti ſcribitur Spalatum, non verò cum duplici, vt ponit Vſuardus, & Donnola, dum ſuos Hiſpellates duplicata L. littera, more antiquo deſcribit . ſed ijs quoque vt ſuperfluis ommiſſis, ſicut illis quibus iterum atque iterum ex Vſuardo, Salonam & Spalatum confundit, quia in eius Martyrologio, ponitur paſſio SS. Domnionis & Anaſtaſij, Salonæ in Dalmatia, nuſquā autem (verba Donnolæ ſunt) Spalati, pergamus vltèrius . Progreditur itaque Donnola & longa diſſertatione

tione S. Felicem nequaquam Spoletanum, sed Spel-
latensem Episcopum fuisse, argumentatur. qua in re
cum Spalatenſi vrbi, vel nolens inferuiat, ex dictis nil
replicandum cenſemus. prætere tamen non poſſu-
mus dum ex vnico æuo noſtri ſcriptore, Philippo Fer-
rario, S. Felicem 18. Maij Eccleſiaſticis tabulis cele-
brem, Hiſpellensem Episcopum, ſub Diocletiano &
Maximiano Imp. Hiſpelli paſſum, producit vaniſſimè.
tum quia Petrus & Vſuardus, ſicuti & Donnola agunt
de S. Felice Spalatenſi ſiue Spellatenſi, non vero Hi-
ſpolenſi, tum quia eundem martyrem ſub Manimiano,
non autem ſub Diocletiano & Maximiano fatentur.
præterea ſicuti Ferrarius nullo certo claſſico authore,
ſed Hiſpolenſiũ aſſertione, Felicem cõſictum Hiſpelli
Episcopum, vna cum Ioanne Spolerano Episcopo Sy-
nodi Sinueſſanæ interfuiſſe ſomniatur, cum nullus Hi-
ſpelli Episcopus, in illa Synodo reperiatur, licet id in
annotatione ad Ferrarium, de ſuo addat Donnola, ita
mage gratis, dat Hiſpellanis Episcopum, ipſe Ferrarius,
qualem nulla priſca vel ſuccedens ætas cõceſſit. quin
idem Ferrarius, eundem Felicem, vti paulò poſt vide-
bimus, ab duodeuigeſima die Maij, ad trigelimam O-
ctobris translatus, Episcopum Martanum & Martyrẽ
Tudertinum, deſcribit, iuxta illam antiquitatis Paræ-
miam

Deſtruit, edificat, mutat quadrata, rotundis.

cui etiam ipſemet Donnola ſubſcribit, quatenus Mar-
tanum & Hiſpellensem Felicem, eundem in notis ad
Ferrarium facit, & vterque ipſorum S. Felicis reliquias
in caſtro Iani, prope Spoletum agnoſcit.

Sed

Sed pergit vltcrius patriæ illustrator, figmenta excogitata fulcire, testimoniali fassione Reuerēdis. Laurentij Pastrutij, Spoletani Episcopi. qua testatur in Collegiata Ecclesia S. Laurentij Hispelli, suę Diœcesis, erectam esse societatem doctrinæ Christianæ, sub inuocatione S. Felicis Episcopi Hispellanensis & martyris. etenim præterquam quod testata ait sibi constare, per fidem sui Vicarij foranei; quod cuius momenti sit in iudicio, Iuris vtriusque Doctorem Dñolam appello iudicem, fides qualiscunque, seu testimonialis allegata, de S. Felice Hispellanensi, non vero Spalateni, siue Spellateni loquitur. at si quidquam deferendum iure voluit Donnola præfatæ testimoniali, Hispellanensis Episcopatus prius erat probandus, intra suæ patriæ limites extitisse. quo non probato, ignotius pro ignoto est venditare. vnde eiusdem roboris est ducenda altera attestatio, quam per Hieronymum Rochum, Spoletanum Notarium, & Episcopalem Actuarium, conscriptam dicit, attestantem, in Ecclesia S. Mariæ Maioris Spoleti, in quadam columna, extare depictum S. Felicem Episcopum Hispellanum, cum subscriptione eiusmodi: S. Felix Episcopus de Spello. item documentum, vt ipse ait publicum, registratum per Euandrum Liliū, pariter Notarium & Actuariū Spoletanum, quo ex libris Archiuij Episcopalis, sub plebatt Spelli, inter alias Ecclesias, ponitur Ecclesia S. Felicis. quantum enim hæc votis Donnolæ faueat. ipse non video, & idcirco in ijs examinandis hereo minimè. At videat pius Lector oro, quam minus digne, bonæ fidei scriptore, veritatem agnitam, apud Illustris-

simum

simum fydus æui nostri, Caſid. Baronium, occultare conatur, dum ait : *Subdit præterea Illuſtriſſimus Cardinalis Baronius. addendo in ſæpius citatis Notationibus ad dictũ diem 18. Maij in verbo Felicis Epifcopi : Synodales litteras ad Sixtum Papam V. de martyris corpore nuper reſoſſo, & honeſtiori loco recondito, ſe vidiffẽ. quas quidem litteras deperiſſe, facile ego & ediderim. Cum enim cupiditate flagrans negotij plurimum habuerim, vt de eorumdem tenore, & à qua Synodo emanauerint, certior fierem, nuſquam eas reperire fuit conſeſſum. ita ille. more ſuo nolens intelligere, vt bene ageret. cum ex Baronij annotationibus clarẽ conſtet, litteras Synodi Spalatenſis fuiſſe, ſuper reliquijs S. Felicis eodem tempore, reſoſſis, & honeſtiori loco reconditis. is enim in Martyrologio per ipſum reformato, & annotationibus illuſtrato, dum reddit rationem, ſub die 18. Maij cur S. Felicem Spoleti, in Martyrologij textu deſcriptum, in margine Spalati, pro Spoleti poſuerit; in annotationibus, ſub littera D. Felicis, inquit, Epifcopi, Vſuardus de eodem hac die, & Petrus in Catal. lib. 5. cap. 13. licet pro Spoletino, dicat Spalatenſem. ſed non tantũ eius cauſa, addita eſt in margine varia lectio, ſed quod Spalatenſes, eundem Felicem ſibi vt ſuum vendicant. vidimus de ea re, litteras Synodales, ad S. D. N. Sixtum Papam Quintum, vna cum publica atteſtatione de eiufdem martyris corpore nuper reſoſſo, & honeſtiori loco recondito.*

Hæc Baronius, omnibus clarus, niſi ſoli Donnolæ, quis enim non videt agi de Synodo Spalati, Metropolitana Vrbe coacto, non vero Hiſpoli ſeu Spoleti,

ti, item de corpore martyris in eadem Vrbe refoſſo? in qua, plurimi adhuc ſuperſunt in Venerabili Metropolitano Capitulo, qui eidem Synodo, interfuerunt miniſtri, cum illa fuerit nō Diocæſana, ſed Provincialis. nimirum Archidiaconus eiſdē demq; Abbas, Arbenſis, feliciſ memoria Card. nuperrimi Farnesij, diu familiaris, D. Hieronymus Alegrettus I. V. D. iam propè nonagenarius . item D. Rinaldus Rinaldus, Archiprebyter, eiſdem ſerme ætatis . item D. Diocletianus Cipcius, ſerme centenarius, eiſdem Ven. Capituli Decanus. vt plures alios omittam . licet ſubticere nequeam Illuſtriſſ. & Reuerendiſſ. D. Petrum Cedulinum, ex Nonenſi, Pharenſem Episcopum, centenarium, à ſexaginta annis Episcopum, & vnum ex patribus dictæ Synodus, ſed præter nobilitatem generis, Apoſtolici peſtoris cōſtancia, & zelo Eccleſiaſtica libertatis tuendæ, ſingulare æuo noſtro exemplar, Romanæ Curia, ob plurima in ea officia, immortalī laude adminiſtrata, notiſſimum, commendatiſſimumq. vt nulla tergiuerſatione valeat ſe Donnola excuſare, quominus ad ſatietatē potuerit omnia explorare, ſi deſiderio noſcendæ veritatis flagraſſet, vt verbo tenus proteſtatur; cum ad hāc vſque diem, præter plurimos viuētes teſtes, Acta ipſa Synodica in Archiuio Spalatēſis aſſeruentur Eccleſiæ. verum faxit, Deus ne magis præſtiterit Aduocatum, ſeu Rethorem, quod officium ſe in Vrbe geſſiſſe, ipſa ſui libri inſcriptione fatetur; quorum naturam cū ſatis Plato, poſt Socratem, tetigerit, ad vltiora procedamus.

Concuſſis Martanis, poſt hæc Tudertinis bellum in-

E di-

dicit, ob ius, quod ij in S. Felicem, se habere intendūt,
 idq. vt suo voto magis fatifaciat, re vera vt volēs no-
 lens, inde Spalatēfibus magis inferuiat: quam ob rem
 bella ipsius euitando, breuitati studendo, telum sal-
 tem quod inane, suo more in Iacobum Guallam Tici-
 nensem intorquet, quod S. Felicem Spalatensem scri-
 pserit, retundamus; quod fiet, eneruato teli iactu. quē
 duplici argumento vrsisse se putat. primo. *Cum, inquit*
ille, passionis narratio quam Gualla affert, vna eademq. ad
summam sit atque illa, qua de S. Felice Spallatenfē recen-
tur, hinc apparere Guallam, in eo verbo tantum Spalaten-
fis, scribendo fuisse hallucinatum. secundo quia conuincitur
falsa plurima scripsisse circa sanctorum corpora &c. hęc il-
 le pluribus licet. at primum argumētum etiam admis-
 sum, nil aliud concludit, quam quod male conclusum
 huc usq; docuimus. verum negatur hallucinatus Gual-
 la, nisi id aliunde probauerit Donnola, cum in plerisq.
 cum impressis, tum manuscriptis Martyrologijs, apud
 Spalatensem Vrbem haberi scriptum, ipsemet fateatur
 pag. 28. Spoletanæ vocis Lectionem destruendo. ita
 vt hallucinatus minimē, possit argui Gualla, nisi etiam
 hallucinentur ipsa Martyrologia, quæ pro se citat Dō-
 nola. quod porro negat credendum Guallæ in hoc, ex
 eo, quia alias, in alijs, falsitatis dicatur conuictus, nec
 ipsi Donnolæ credendū erit, vtpotē toties erroris huc
 vsque conuicto, & posthac vberius conuincendo. li-
 cet apud Dialecticos, minimē hæc concludant; cum ali-
 quis in vna re minus, in alia magis fidelis concedatur.

Tandem vt funditus euertat ea omnia, quæ pro Spa-
 lato stare possent, duo sequentia argumenta, tanquam

validissimos arietes expedit.

Ceterum ait à Clero, populoq. Spalatensi seu Salonitano, præter S. Domnionem prædictum, ac Beatum Rayneriū, nullum alium eius Ecclesiæ, Sanctum Episcopum & martyrem haberi; in eaq. ciuitate S. Felici Episcopo & Martyri, nec Ecclesiā, nec altare dicatum extare, mihi pro certo esse voluerunt, nota & explorata fidei viri, Reuer. P. F. Placidus de Spal. t̃ro Prouincialis Dalmatiæ socius, quem alloquutum se dicit, cum alijs quos subiungit, breuitatis causa omittendis; inter quos more suo, Fratrem Ioannem Gazarem Lesinnēsem Augustinianum, Spalatensem Dominicanum appellat.

Illud quoque (pergit) aduertisse iuuat, quod in Ecclesiā S. Hyeronimi Illyricorum, ab Syxto V. magnificecius extructa, & picturis exornata, cum S. Domnionis, & S. Rainerij Salona Archiepiscoporum, & S. Methodij, ac S. Cyrilli Archiepiscoporum Sclauorum, aliorumque Sanctorum eius Prouinciæ, cum prædictorum nominum subscriptione, ab utroque latere, sub fornice conspiciantur, nusquam tamen in ea Ecclesiā cernere est S. Felicis Episcopi, & martyris simulacrum. Nec ah simile conijcitur argumentum ex Marco Marulo Spalatense, qui cum virtutum, & vitiorum exempla sex libris prosequatur, & in eis plurimorum fortia gesta Sanctorum commemoret, nullibi tamen de S. Felice Episcopo & martyre, mentionem facere mihi visus est. Vnde planè putatiuam S. Felicis in ea Ciuitate memoriam, si qua extet, ob manifestum scriptorum aequiuocum, in verbo Spalatensis, pro Spelatensis, exortam existimo, atque excitatam; hætenus Donnola, tanquam

ex tripode funderet oracula, cum sententiæ à veritate alienæ', vt sunt tot in duobus argumentis Donnole, quot fermè verba, gemellæ negari nequeant cum oraculis, mendaci tantum gentilitati, probatis; & vt institutæ breuitati 'insistamus, assertioni eius insistendo; minus necessarijs omisissis.

Dico primo, toto cælo errare Donnoлам: dum à Clero, & populo Spalatensi, quem & Salonitanum appellat, nullum ait alium haberi S. Episcopum, & martyrem præter Domnionem, & Raynerium, cum iam ostenderimus s. Domnium martyrem Salonitanorum Præsulum Coriphæum, Porphirogenito notum, Metropolitanæ Spalatensis Ecclesiæ Patronum, & Spalatensis Urbis tutelarem haberi, & coli, sicuti S. Felicem, certis indubitatisque documentis mox ostendemus.

Dico secundò: mala fide, innato suo more, à Donnoла, appellari S. Raynerium Salonæ Archiepiscopum, cum in allegata Ecclesia S. Hieronymi, Spalatensis habeatur inscriptus Archiepiscopus, non vero Salonitanus, sicuti habetur pictus S. Domnio; præterquam quod non auderem affirmare an aliquando S. Raynerius Salonarū ruinas viderit, sexcentis fermè annis ab eorum euersione, ab Episcopatu Calliensi Italico, per Alexandrum tertium translatus; Spalati non Salonis federit, teste coæuo & Archidiacono suo supra laudato Thoma. cuius inscriptionis argumento, differentiâ Urbis Salonarum, ab Vrbe Spalatensi, facile discernere potuisset.

Dico tertio, In Vrbe, siue intra mænia Spalatensis Urbis, nulla licet, quod sciam Ecclesia
aut

aut altare, S. Felicis extet nomine, extare tamen, quod nullus ex testibus à Donnola citatis, negauit, aut ad præsens negat, eorum optimus, in Vrbe Roma, ob integritatem morum, animi candorem, amorem in patriam, litterarum præstantiam, & omnimodam rerum, experientiam, vir incomparabilis D. Marcus Spudeus I. V. D. ad mænia eiusdem Vrbis, antiquissimum, totiusque Spalatensis Diœcesis amplissimum, ac nobilissimum Templum, cum antiquissimæ picturæ Altari, s. Martyri, & Episcopo Felici dicatis, & in eodem, templo, Reliquias eiusdem Martyris Sixto V. sedente, teste Baronio refoffas, & honestiori loco recôditas venerari; cum amplissimo Coemeterio siue Polyandro, vniuersæ Spalatensis Vrbis, & Suburbiorum (eius incolarum communi, adiacentre eidem Ecclesiæ Monasterio Fratrum Minorum, cuius fundamenta manu Seraphini Assisnatis, iacta, piæ plebi venerationi habentur. quod templum, ante septingentos circiter annos, à quo Spalatensi Archiepiscopo, s. Felici dicatum fuerit, sæpè memoratus Archidiaconus est author.

Dico quarto, apud Dialecticos; nullius esse momenti illatio, qua Donnola se putat triumphare, dum s. Felicis imaginem nullibi in Ecclesia s. Hieronymi scribit extare, si enim hæc illatio quidquam concluderet, innumeri alij Sancti, viri gentis illyricæ, qui picti sunt in ea nequaquam, Illyricis essent denegandi. Salonitanisque ipsis, in primis, s. Domnius sæpè repetitus hætenus, tres fratres s. Caij Papæ, cuius ibi extat imago, videlicet Gabinius S. R. E. Præbiter, & Scriptor. Maximus, & Claudius Tribuni, huiusque filij Alexander

der, & Cuthia, ac eorum mater Præpedigna, Gabinijque filia Sufanna, sicuti & eius consobrina Arthemias Diocleriani filia, eiusq; mater Serena sanctissima Augusta, duodecimque alij bona ex parte Salonitani Episcopi, quorum corpora ex Dalmatia, Romam translata, opera Ioannis quarti Pont. Dalmatæ, religiose coluntur in Ecclesia s. Venantij, ab eodem Pontifice, prope Constantinianum Baptisterium extructa, prostantibus in eius parietibus, eorundem sacris Iconijs, opere musivo expressis, nominatim inscriptis, nempe Venantij, Domnionis, Mauri, Septimij, Antiochiani, Caiani, Pauliniani, Celij, Asterij, Anastasij. vt aliorum Christi Confessorum Illyricanorum, innumeras Phalanges omittam; cum in Ecclesia s. Hieronymi, præter eius imaginem, Caij, & Ioannis Romanorum Pontificum, Methodij, atque Cyrilli, Sclauorum, ibi habet non Sclauorum, vt barbarè scribit Donnola, & Domnionis Salonitani, ac Ryanerij *Spalatensis*, tantum extare noscantur. licet aduocatorum licentia, bonus vir, addat, præter nominatos, *aliorumque quoque Sanctorum eiusdem prouinciæ extare.*

Dico quinto. Marci Maruli, nullum opus extare virtutum, & vitiorum, sex libris expositum, sed libros sex dictorum factorumq; memorabilium, siue de religiose pieq; viuendi institutione, per exempla veteris, & noui testamenti. necnō libros septē de Fide, Spe, & Charitate, quod opus Euangelistariū nūcupatur, itavt etiam in citandis authoribus, fide vir bonus laboret.

Dico sexto, illationem quam ex confecto opere Maruli similiter fingit, eiusdem momenti esse cum priori
argu-

argumento. etenim ex hac illatione, nec s. Dominio, nec Raynerius, nec Methodius cum Cyrillo, Caiusve cum Ioande, inter Illyricos essent annumerandi, ne dum Felix, cum legionibus Sanctorum Illyricæ nationis, ex eo quia Marulus in libris suis, nullam illorum mentionem fecisset. qui tamen adeò erga s. Felicem pio flagrauit desiderio, ut propè ipsius sacros cineres intra eandem Ecclesiam, voluerit humari tumulo marmoreo, ad hanc vsque diem, facti teste.

Ex ijs omnibus itaque pio lectori pateat, quam iniquè spoliata Spalatensis Ecclesia pretioso thesauro felicissimi Martyris, imposturis Donnolæ, Hispolensi oppido ille obtrudatur, statim enim post vanitates falsas, ut ait propheta, subiungit.

De reliquo si licet causas excogitare, aut excusationes aliquas asserere, cur prædictæ antiquæ lectionis eius loci Martyrij, scilicet apud Spellatensem Urbem, mutatio contigerit, seu varietas irrepserit: certè minime incongruas iudicauerim: tum quod ob Verborum Spoletanensis inter se similitudinem Spalatensis, & Spellatensis, aut decipi aut saltem in æquiuocum incidere quis, facile potuit. Tum quod Spellæ Episcopatus in Episcopatum Spoletinum iam dictu transiit, ut in Topographia in verbo Hispellum Ferrarius aduertit. Tum etiam quod s. Felicis corpus in dicta Ecclesia, propè Iani Castrum, Spoletum proximum quiescit. Tum denique quod Spellum, à quo dictum est apud Spellatensem Urbem, per pauci (quos enumerat) nomine Spellæ ut ab Italis modernis nominatur; antiqui verò, quorum Cathalogum lexit) Hispellum potius appellasse noscuntur. ita ille. at eiusmodi causas ab homine magis patrij
 splen-

splendoris, quam veritatis amante pingi, quis non videt, nisi qui nullam similitudinem, Hispelli, siue Hispoli, vt antiquitas perpetuo Spoletinae Ecclesiae oppidum appellauit, cum Spalatensi siue Spelatensi Vrbe animaduertit, cuius affinitate hæc æquiuocatio potuerit inolescere, quæ Spoletana cum Spaletana, siue Spalatensi Vrbe, facîle potuit contigisse. Et ne ad omnes nãnias intendamus; quid ineptius excogitari potuit vnquam, quàm nobilissimum antiquissimæ Coloniae Romanae, Vmbrosum Principis, Longobardicae potentiae in ea parte Italiae, Ducalis Sedis prerogatiua inclytum Spoletanum Episcopatum, ipsis summis Vniuersalis Ecclesia apicibus producendis sacrosanctum, reclamante vniuersa vetustate, ex Spelli Episcopatu, nulli vnquam in Ecclesiae Dei cognito, fluxisse asserere; cum Spelli Episcopatum in Spoletanum iam diu transisse, concrepantibus buccis intonat? Adsis (cogit enim veritas calcata, ad veritatis protectores, & vindices vocem attollere) adsis inquam Sabine martyr inuictissimæ, Spoletinaeq; Urbis ante 1300. annos Pastor vigilantissime, tuque ante Sabinum, centum annis, eiusdem Urbis eximiae Sacerdos Concordiae, vestreque Illustrissimæ Patriae iniuriam ab impostura, vestri minus equi Dioecesani, mecum profligate. Tuque in primis, qui singulari prerogatiua Christianae foelicitatis, ex ipsa Spoletina sede, ad vniuersalis Ecclesiae fastigium, virtutum omnium, sed Iustitiae, aliarum Reginae, alis praecipue conscendisti; tuæ olim sponsae vulnera, ab nimium sui amante sobole illata; exquisimi oculi tui radio, verus Sol nostri saeculi, Urbane Pontifex sanare

nare dignato . At inquiet Donnola , Ferrario facem
 præferente, se talia iactare; sed societas peccantiū veri-
 tatis radios obscurare, non est sufficiens; cum à plerisq;
 viris eruditis, errasse sæpius, obseruetur; quod vel inde
 patet, vbi in sua Topographia , in Romanum Martyro-
 logium , sub verbo Hispellum , ex libris Conciliorum
 generalium, adstruit Episcopatum Hispellanum in Spo-
 letanum transiisse , cum nullo generali Concilio, Felix
 Hispelli Episcopus inueniatur subscriptus . Sed bonus
 Donnola quo iudicio , qua prudentia Ferrarium tanti
 facit , vt eundem incudem suam, vanis Conciliorum
 ictibus tundentem, ad exprimendum , vel sua arte ex-
 cudendum, alicuius generalis Concilij nomen non adi-
 gat, vel si illi molestus esse non vult, ipsemet sexdecim
 sæculorum spatio , aliquem testem, vel ex Annalibus
 Ecclesiasticis, aut Martyrologijs , Synodibus Prouin-
 cialibus, seu Diœcesanis, seu ex notis suffraganeorum,
 & comprouincialium Episcoporum , metis demum
 proximorum Episcopatum , sui Episcopatus Spellati,
 aliquo saltem indiculo, proferat, præsertim cum omni-
 bus prouinciæ Vmbrorum peritis, liqueat, inter Diœ-
 ceses Spoletanam , Fulginatam, Afsinatem, & Nu-
 cerinam , nullam aliam , ob angustiam locorum,
 potuisse constitui , quæ Hispolensi oppidio inter præfa-
 tas Ecclesias sito , propriam efformare ditionem va-
 leret .

Argumentum postea quo Episcopatum Hispellanum,
 ex eo capite conatur elicere, quod præfatum oppidum
 olim Romana fuerit Colonia ; planè nihil concludit,
 apud antiquitatis Ecclesiasticæ gnaros . Etenim Ar-

F dea ,

dea, Hispello multo nobilior, Carseoli item. Setia, & Circei, ductæ fuere Colonia simul, cū Nepete, Sutrio, Alba, Sora, Narnia, & alijs Oppidis, vt libro vnde trigesimo, testatur Liuius; non tamen vnquam ille priores, Episcopalem dignitatem probantur ad hanc vsquē diem assequutæ, sed omnibꝫ alijs minus ad nos pertinentibus.

Denique pro huiusce, inquit Donnola, loci martyrij S. Felicis Episcopi Spellatensis veritatis concordia, clarissimaque cui sentia; vt necessum, & congruum sic iucundum, ac fructuosum fore omnibus, præcipuè Hispellatibus censeo amplissimum atque omnium qui de eo scripserunt, antiquissimum inclytæ Ciuitatis Papiæ pondus, ac testimonium historiæ eius martyrij in medium asferre, ita ille, qui præmissa attestatone Notarij Papiensis mox legendam S. Felicis apud Papienses. extantem subiicit. ex qua tamen quoad substantialia, idem ferme legitur, quod & in alijs, hætenus per illum congestis, nisi quod vbi aliq̃ legendæ Spelatensem, siue Spalatensem Urbem. nominant, in hac Ciuitatis Spelatensis pro illis fit mentio. quod quam coronidi veritati Donnolianæ suffragetur, aliorum esto iudicium. tum quia Hispellum nunquam ciuitas extitit, sicut habet legenda, tum quia nomen modernum Spelli, quod ille in Spellatis denominationem, violētā metamorphosi trahit, à nullo antiquorum vel ipsomet teste, latinè ita pronunciatur; h.istoriam autem Papiensem, ipse fateatur antiquissimam, & demum Spellate nomen magis ciuitatis Dalmaticæ Spalati, siue Spaleti, quam Hispolo conueniat, siue Hispello.

Pro

Pro eadem coronide, aliam addit historiam s. Felicis, per Iacobum Gualam supracitatum, ex Papiensi Sanctuaio extractam, sed cum hic Spalatensem scribat, coronidem non fulcit tertiam insuper ex Petri Galefini Martyrologio, sed Spoletinis non Hispollensibus fauorabilem, quartam ex Ioanne Baptista Possenino, nil minus quam coronidi celebratæ æquam, cum Martanus in ea S. Felix scribatur Episcopus: sicuti, & in quinta Augustini Monachi. tãdem sextam ex Ferrario, itidem eiusdem conditionis, immo deterioris, cum etiam ipse Martanum scribat, & diuersus ab alijs, & à semetipso, vbi prius Spelli S. Felicem sub die 18. Maii ruit, hic 30. Octobris, eodem ferme tenore celebrat; Donnola ijs non obstantibus, Felicem, qui tot Ecclesiarum martyr, & Episcopus à diuersis authoribus, scribitur, in vnum pro coronide, Spelli Episcopum, constat, Spalatensem negans. Tudertinas Lectiones ex Possenino, deprauatas arguens, alios aliter torquens, & in suam sententiam trahens; quasi euicta causa, & triumphum se ducere credens; instat apud Sacram Congregationem Rituum, vt expuncto ex Martyrologio Romano, nomine Urbis Spoleti, quam Spalatum Baronius agnoscit, pro eo Hispelli nomen ponatur, ac si luce clarius Hispellanum demonstrasset Felicē, licet nil minus vnquam probauerit: quam illud vnū: Hispellū, siue Hispolum. à recentioribus Spellū dici scribiq; eiusmodi porro oppidum, nullis argumētis ostenderit eam esse ciuitatem, de qua scribit Viuardus, & Petrus, Spalatensem, siue Spalatensem. ab Illustrissimo Baronio, & in Martyrologio, & in Annalibus, Spalatum scriptam.

Nos itaque breuiter Impostura Donnolæ detecta . breuius rei veritatem pro Spalatensi Vrbe stare, videamus . Et quidem S. Felicem sicuti nequaquam contendendo mordicus Spalatensis Urbis Episcopum , cum Maximiani temporibus , quibus martyrio coronatus habetur, Spalatensem Urbē Episcopali dignitate ornatam fuisse ignorare me fatear ingenuè , vt potè quæ Diocletiani, tunc temporis priuatam vitā agentis, Palatiū potius habebatur, sed Salonitanū verius, vel alicuius alterius Dalmaticę Ecclesię Episcopū, ita Vsuardi verba & Petri, apud Spelatensē & Spalatensē Urbem, de Spalato intelligenda teneo, quatenus eo tempore, quo vterque eorum scripsit, prædictum Palatium, prope quod martyrium Sancti Præfulis contigisse, minimè ambigo, an Vrbs Metropolitica Maiestate noscebatur insignis .

Veritatem porro pro Spalatensi Vrbe stare, patet ex duobus .

Primo quia S. Felix de quo agimus, non in Italia, sed in Illyrico, martyrij palmam obtinuit.

Secundo, quia in eodem Illyrico Sacræ eius Reliquię prope Spalatū conditę, hodierna die, ibidem coluntur.

Quoad primum, cum plerique authorum; ex quibus Donnola S. Felicis historiam recenset, S. Martyrem sub Maximiano Imperatote passum tradant, eodem Donnola tenacissimè in hoc perseuerante, cum Martyrologio Romano : in Illyrico id contigisse, non Italia, fateamur est necesse . ex eo quod Maximianus, qui quoties sine Diocletiano scribitur, nequaquam huius Collega, cognominatus Herculus, sed Diocleriani gener,

gener, & In Imperio, per adoptionem successor, Galerius dictus, est intelligendus; vt ex obseruatione, & legum ab iisdem Imperatoribus latarum, & historijs Ecclesiasticis, est videre; nullam in Italia, sed in Illyrico iurisdictionem exercuit; ac proinde Tarquinium Præfectum in Italicam Urbem mittere, nullatenus potuit, multo minus is in Italiae Urbibus fundendi sanguinis ius, obtinere valuit; constat enim, ex authoribus, à Cardin. Baronio ad annum Christi 304. citatis, inter duos successores Diocletiani, & Maximiani, Constantium Chlorum nempe, & Maximianum Galerium, ita Romanum Imperium fuisse paritum, vt Constantius Gallijs, Hispanijs, Italiae, & Africae præfesset, Galerius Illyrico, Græciæ, & Orienti imperaret. qui Baronius ibidem diluit Eutropij verba, quibus dicitur Constantius administrationem Africae, & Italiae recusasse. moxque ostendit ex Eusebio, in ditionibus Constantini, Christianos agentes, optimi Principis indulgentia, pacem habuisse; sub Galerio verò, dicta persecutione vexatos fuisse. nec obstat, quod Sextus Aurelius Victor Scribit Constantinum à Galerio in Vrbe Roma, religionis specie, obsidis loco tētum fuisse. nam Aurelius Victor in opusculo abbreviatae historiae, ab Augusto Octauiano, ad tertium Iuliani Imperatoris Consulatum, nullam Urbis Romae habet mentionem, sed simpliciter à Galerio religionis specie, ad vicem obsidis tentum fuisse, describit, vt illa particula, in Vrbe Roma, ab eo addita deprendatur, qui sub nomine Sexti Aurelij Victoris, Imperatores Romanos, ad Teodosium vsque, compendio contraxit. cuius au-
thorite

thorite, ipse quoque Baronius lapsus, est deceptus; eius enim temporibus, nondum Andreæ Schotti opera, germana Aurelij scripta prodierant. quin immo, tantum abest à verò, ut Galerio ius fuerit in Illyrico, ut post mortem Constantij, cum Seuerum filium dictum Cæsarem, ex Illyrico in Italiam immitteret, Maxentius qui Romæ, contra filium Constantij Constantinum, Imperium arripuerat, eundem Seuerum repulerit, & demum Rauennæ interfecerit, eodem Aurelio teste, item cum post mortem filij, idem tentasset Maximianus, ad ipsomet Maxentio, in Illyricum fuerit reiectus. idem Victor scribit Constantinum tolerare nequisse, ut Galerius Seuerum filium Italiæ præesse iuberet; non aliam ob causam certo certius, nisi quia Galerio nullum ius in illa competeret, quam omnino ad patrem suum, & eo mortuo, ad se pertinere sciebat.

Maximianum porò in Illyrico imperantem, inibi vitam traduxisse, ut apud omnes aperte constat, ita eum ibi diu in Christianos exercuisse persecutionem, & eius furore, inter alios præstantissimos Illyricanæ Ecclesiæ Præsules, Felicem ipsum Spalati sublatum, testis eximus adest Card. Baronius, cuius verba, quoniam se legisse dissimulat, miro silentio Dohnola, ex Tomo tertio, anni Christi Domini 308. hic produci-mus. Is postquam martyrium s. Quirini Episcopi Scis- siæ in Illyrico, ex Eusebio; & Prudentij carminibus descripsit, anno tertio Maximiani, Eadem quoque, ait, persecutione virgente in Illyrico, passus est Vrsicius martyr sub Aristide præside, Spalati Felix, Sirmij Ire-neus Episcopus sub Probo accerimis tormētis vexatus

lon-

longoque carcere afflictatus, tandem abscisso capite
martyrium magna gloria consumauit, Drizipare eius-
dem prouinciæ ciuitate, passus est Alexander martyr
miraculorum post obitum virtute, orbi, notissimus. hæc
Baronius, licet in indice Typographi errore, Spoletum
pro Spalato sit positum; errore dico, nam præter ex-
pressam scriptionem Spalati in Annalium textu: dum
recenset martyres Illyrici: Spoletanum martyrem in-
ter Illyricos, tantus vir posuisse, nequaquam per errorē
est censendus.

Quoad secundum Iam docuimus extare ad menia,
Vrbis Spalatenfis Ecclesiam totius Diœcesis amplissi-
mam, s. Felici Episcopo, & Martyri dicatam, cum al-
tari memoriæ eiusdem Sancti extructo, vetustissima,
pictura insigni, quod templum licet vulgo s. Francisci
nomine nuncupetur ex Monachis Minoribus in anti-
quo Monasterio ab ipso s. Francisco fundato, degen-
tibus, in publicis tamen scripturis, & præsertim Eccle-
siasticis, s. Felicis nomenclatura clarum habetur, vt
potè quod multis annis, ante s. Francisci tempora, stru-
ctum fuisse, testatur eiusdem Seraphici Patriarchæ coe-
uus, & ob peculiarem erga s. Felicem obseruantiam,
in eodem templo sepultus, vt ex inscriptione veneran-
dæ antiquitatis eius tumulo inscripta, & anno millena-
rio est videre. Thomas Archidiaconus sæpè laudatus;
qui etiam notat, à quo ex Spalatenfibus Archiepisco-
pis, præfata Ecclesia, supra riuum s. Felicis inuocatio-
ne, fuerit extructa, atque dicata. nec vulgi abusus in
hoc est magnificiendus, nam & Ecclesia Catherinæ
Virgini dicata, ab orientali parte Spalatenfis Vrbis, à
fra-

fratribus S. Dominici, illam adcolentibus, huiusce s. Patriarchæ nomine, oblitterata s. Virginis denominatione, s. Dominici appellatur, publicis monumentis litterarum exceptis; quod & hic Romæ, & passim in orbe Christiano, contingere videmus. ne vero, aliquod præiudicium hæc noua denominatio Feliciano templo, apud Spalaturn Vrbem, ex Franciscanorum incolatu longo, apud posteros inferret, neue cuiq; Felicem præfulem & martyrem, per alias Christiani orbis Ecclesias inquirendi, vt inani labore egit Dónola, in posterū daretur occasio: Sixto quinto Pontifice, Illyricani generis æterno sydere, Franciscanæ familiæ raro ornamento, & ante Pontificatum eiusdem sancti martyris in omen felicitatis futuræ fortunato, Illyricus præsul post mille trecentos annos, caput è sacro tumulo, in medio templo præfato tunc existente, sub altari eiusdem sacre memoriæ dicato felicissime extulit, seseque tanquam præfagus Donnoliane audaciæ visendum Patribus Ecclesiarum totius prouinciæ Dalmatiæ, ad Synodum Prouincialem congregatis, obtulit, & eorundem Patrum Synodalibus litteris, summo omnium Patri, & vniuersalis Ecclesiæ felicissimo Principi, cognoscendum insinuauit, pluribus miraculis, adhuc per ora prouincialium incolarum volitantibus, ipsam inuentionem prosequenribus; cuius rei testes, præter communem Dalmatiæ famam, & Metropolitanum Archiuium, superius citatos viros adhuc viuentes, repeto.

Ne tamen domesticis pro veritate certantibus, à viro in forensibus negotijs versatissimo quidquam opponi

poni possit, prodeat pro veritatis indubitata coronide, Apostolicorum morum, & Apostolico munere, nuper præclare perfuncti Octauiani Garzadori, Vincen-
tini patritij, Iadrensis Urbis Archiepiscopi, totius Dal-
matiaë visitatoris S. D. N. Urbani Octaui, & Sacrae
Congregationis de prop. fide autoritate, & earun-
dem sacrarum reliquiarum, intra ipsam S. Felicis, Eccle-
siam, oculati inspectoris attestatio, ex eiusdem Sacrae
Congregationis Archiuio desumpta, & præstantissimi
viri, D. Francisci Ingoli, Congregationis Secretarij au-
thoramento roborata.

*Ex libro Visitationis Dalmatiaë, per Illustrissimum Domi-
num Octavianum Iadrensem Archiepiscopum*
facta.

Spalati vigesima mensis Ianuarij 1625.

Visitatio Ecclesiæ S. Felicis fratrum Conuentua-
lium S. Francisci.

Die eadem à prandio; idem Illustrissimus visitator,
prosequendo præfatam visitationem, Spalatensem, ac-
cessit ad Ecclesiam sancti Felicis, siue sancti Franci-
sci, extra mænia Spalati, propè Monasterium Fratrum
Minorum Conuentualium sancti Francisci.

*Vbi post Visitationem Sanctissimi Sacramenti Eucharis-
tiae, & Olei Infirmorum, ita habetur.*

G **V**

Visitatio Sacrarum Reliquiarum.

Visitauit Sacras Reliquias, nimirum Arcam Ligneā, continentem ossa sancti Felicis Episcopi & martyris, ac sociorum, exhumati sub Pontificatu Syxti quinti, tempore Synodi Prouincialis, vt patet in Notis Illustrissimi Domini Cardinalis Baronij, ad Martyrologium Romanum.

Visitatio S. Felicis.

Visitauit Altare s. Felicis lapideum, non sacratum, & mediocriter de necessarijs prouisum: cum decent Iconia, licet antiqua.

Concordat cum originali existente in libro visitationis Dalmatiæ, Reuerendissimi Domini Octauiani Archiepiscopi Iadrensis, pagina 894. & 895. qui liber habetur in Archivio Sacræ Congregationis de prop. fide.

Franciscus Ingolus Secretarius.

Locus † Sigilli.

Sed quia facile posset, & ipse Donnola, & quilibet alius, ex allegatis supra, obijcere: Si Maximianus Galerius nihil iuris habuit in Italia, gratis ergo in opusculo, quod de Aurelia Valeria nobilitate edidi, dixerim Arthemiam Diocletiani filiam, ab eodem Maximiano Martyrio affectam, cum Romæ scribatur triumphasse;

Idcirco.

Idcirco fateor ingenuè me, vel ex hoc capite debere,
 Donno, quod examinando, & excutiendo sua, er-
 roris mei mihi agnoscendi, & hoc loco corrigendi,
 præbuerit occasionem, cuius contrahendi causa fuit
 eiusmodi: cum inter meos libellos Sextum Aurelium,
 Victorem; Suppositum, ut superius dixi, seorsim, à
 germano, habere compactum, eundemq; & à Baronio,
 & ab alijs magnis viris, tanq̃ classicum authorè & legi-
 timum Victorem citari viderem, præsertim qua Con-
 stantinus in Vrbe Roma, obses à Galerio tentus fuisse
 scribitur, facile credidi in eadem Vrbe, ab eodem Ga-
 lerio, Arthemiam martyrio affectam, accedente præ-
 sertim autoritate Actorum Marcelli Papæ, à quo, vlti-
 mo Põtificatus anno, à Lucinaq; pia fæmina, corpus Vir-
 ginis tumulatum legitur, verum vbi Dónola faceffente
 negotium, occasione S. Felicis, germanum Auctoris
 opusculum cum suppositio, in vnicum volumen com-
 pactum, ex Plantiniana Raphelengia impressione inne-
 ni, remque non vulgari trutina, sed aurificis, ut aiunt,
 statera pensavi, impostoris obscuri fraudes, per tot sæ-
 cula, magnis viris, & inter eos mihi minimo, illudum in-
 gemui; hinc ipsa quoque Actorum Marcelli autoritas
 acuratius inspecta, veritatis agnoscende, magis ac ma-
 gis viam aperuit. cum enim in ijs obseruassem, Ar-
 themiæ martyrium, vltimo Marcelli anno, Pontificatus
 eius sexto, contigisse, biennio postquam Severus Ma-
 ximiani filius, à Maxentio fuit in Italia interfectus, ut
 patet ex Baronio, & Zosimo; manifestè agnoui Maxi-
 miano nullam iurisdictionem, in sole hostili, competere
 potuisse; præsertim cum & ipse filij Severi mortem vl-
 turus,

turus, vix Italiam armatus ingressus; ab eodem Maxentio fuerit expulsus, & in Illyricum reiectus, ac proinde nullatenus Romæ quidquam in Arthemiam statuere potuisse. inde in eam opinionem descendendi, Maximianum pro Maxentio, facillè per errorem ex similitudine nominis acceptum fuisse, eo magis quia teste Zosimo, Maximianus ipse à quibusdam Maximinus consueverit appellari; adde quod pari errore ex nominis affinitate, per multa sæcula, Maxentius creditus est author necis Catharinæ Virginis, quam tamen ad oculum, Baronius à Maximino Alexandria, causam fuisse ostendit. nec obstat quod in Actis Cyriaci martyris scribatur Arthemia interfecta à fratre suo Maximiano Romæ, nam præterquam ipsa acta magnorum virorum censura, non in omnibus habeantur approbata, immo pluribus locis corrupta, certum est Maximianum nequaquam fratrem fuisse Arthemiae, licet tanquam gener Diocletiani, per Valeriã filiam, ab eodem, in regno successor fuerit adoptatus. Sed neque credendum, villo modo video, potuisse Maximianum in filiã, Principis optimè de se meriti, & adhuc in viuis, priuato licet more agentis, quidquam atrocius attentare, præsertim quia optime nosse poterat, eandem patre sciente, & regnante, Christo nomen dedisse. vnde sicuti Donno-læ errorem, præsentis lucubratione libenter emendatam volumus, ita & meum multo libentius veritati restitutum gaudemus, Deoque lucis æternæ authori, gratias agimus immortales.

Ijs ita elucidatis, tandem aliquando ipsius Petri de Natalibus historiam de S. Felice subiungere operæ pre-

pretium ducimus, vt cum Felicem Episcopum apud Spalatensem Urbem, passum sub Maximiano viderimus, nullus dubitandi locus remaneat, eum alibi quam propè Spalaturn, vbi eius amplissimum Templum, sacro eius tumulo superstructum, magna Spalatensis populi pietate, tanquam in loco martyrij cultum, ad hodiernam diem videtur, martyrio coronatum fuisse, intelligi posse nec debere.

Felix Episcopus apud Spalatensem Urbem sub Maximiano Imperatore passus est, qui cum Christum Dominum prædicaret, à iudice comprehensus, post plurima supplicia, gladio cædente, martyrij palmam adeptus est, quinto decimo Kalendas Iunij, &c. ita Petrus in libro ante centum quindecim annos, Venetijs impresso, per Nicolaum de Frankfordia, recognito verò eodem tempore, per fratrem Albertum Castellatum, Ordinis Prædicatorum.

Sed iuuat adhuc eadem peroratione, qua Donnola suum conatum admodum prudenter, & piè clausit, hanc nostram venatricam veritatis elucubrationculam figillare, ciuitatis tantum Spelatis in ciuitatem Spalatensem, urgente veritate, commutato nomine.

Quamobrem inquit ille, & nos cum illo, cum ita matura comparatum constet, vt nullus suauior animo cibus sit, quam veri cognitio; ab ijs qui minus solidum hac de re suis mentibus comprehenderunt, & inscieniter hætenus sectati sunt opinionem, si eum ratio iam conuulsit, ne repugnent, sed animis libentibus remittant, deponantque; verissimè enim M. Tullius inquit, diem opinionum commenta delere, naturæque iudicia confirmare, quoniam solum tempus verita-

ritatis est parens. Qui verò optimè tenent quæ de Sanctis Martyribus, ab antiquis prodita sunt; ut præmissis alia, si quæ valent, in huiusmodi veritatis robur, & confirmationem, ac Ciuitatis Spalatensis, de tanto Prasule ac Patrono, S. Felice, feliciter letantis honorem, adycere non grauentur. hæcenus Donnola, & ego cum illo, eiusdem Beatissimi Felicis Episcopi, & Martyris inclyti, seruus humillimus, & addictissimus maximopere peto, rogo, atque etiam obsecro, gratias habiturus immortales.

Te porrò Thadæ e Donnola, dum ciuis optimi affectu flagras erga patriam, iisdem verbis quibus olim S. Syxtus Pontifex tertius de Diuitijs agens: Oro, ut omni animositatis cōtentione summotâ, & eius rei quam diligis, defensione sequestrata, atque seposita, quæ dico, pura & syncera mente consideres, & verborum meorum vim, non vt tuæ partis defensor, sed vt indagator veritatis examines.

Interim Corrographiam supramemoratam, Salonarum, & Spalatensis Urbis, h c adnectimus spectandâ.

F I N I S.

VENERABILI METRO-
politano, Primitiæque, totius
Dalmatiæ, Croatiæque,
Canonicali Capitulo.

Magnifico Senatui, Populoque, Augustalis Vr-
bis Spalatensis :

IOANNES TOMCVS MARNAVITIVS
Episcopus Bosnensis . F.



Visto Mliko, i Psi locsu . vetus
Illyricæ nostræ gentis habet
prouerbum , sicuti etiam
alibi me scripsisse memini ,
quod latina lingua , sed pa-
ri energia , & venustate , vix
cprimatur . Neglectum nempe lac, Canibus
etiam lambendum prostitui : quod vobis con-
tingere, non absque animi mei molestia video ,
dum innumera sacre , & prophane antiquita-
ris monumenta , eximia Augustalis patriæ ve-
stræ decora, negligitis ; (quod amore vestri di-
ctum habetote) vt iam mirum minimè videat-
ur, eorum splendore aliorum pectora trahi, ab
ijldemque, qualicunque colore , à vobis abstra-
cta, ad suam gloriam augendam pertrahi ; ita

San-

Sanctissimum Glycerium, ex Imperatore Romano, Salonarum Urbis, antiquissimæ vestræ parentis (quod nunquam orbis terrarum vidit, Antistitem) à Mediolanensibus inter ciues, & Præsules suos, connumeratum, Regiæ, Sanctitati Illyricanæ, quod alias vestri fuisset officij, veritate duce restitui; ita nunc Felicissimum martyrem, & Episcopum, ab Hispolensi raptu, Augustali vestræ Patriæ, libens, cum etiam de mea fide ageretur, vindicaui, libens etiam inter gravissimas curas licet, & itinera vix requiem admittentia præsto; cum & communi patriæ, cui omnia debemus, & vobis Illustrissimi Spalatenses, pluribus hospitalitatis officijs de me, deq; meis Bosnensibus, æquè ac Sibenicensibus, sæpius optimè meritis, inservire me gaudeam. verum enimverò cum & vestrum Capitulare, & Senatorium Archivium, præter privatorum civium, scrinia, eximijs antiquitatum monimentis, & athenarum vestrorum eruditissimis elucubrationibus abundare mihi constet experientia, & vobis possidentibus ob oculos versetur, ijs vt luci expositis, & gloriæ vestræ consulatis, & alijs auferendi vobis vestra, præcidatis occasionem; sic vos æterna sospitet felicitas; efflagito